



Samherji fiskeldi ehf.
Glerárgötu 30
600 Akureyri

Reykjavík, 12. janúar 2021
UST202003-108/H.S.J.
08.12.02

Efni: Samþykkt úrbótaáætlun, Samherji fiskeldi ehf. Núpum

Umhverfisstofnun vísar í bréf sitt frá 24. nóvember sl. þar sem stofnunin óskaði eftir tímasettri áætlun um úrbætur vegna þeirra frávika er fram komu í eftirliti stofnunarinnar í fiskeldi Samherja fiskeldis ehf, Núpum þann 30. október 2020. Þann 9 desember sl. barst úrbótaáætlun rekstraraðila, jafnframt bærust viðbótarupplýsingar þann 11. desember sl.

Frávikin eru eftirfarandi:

- Gr. 2.1, 3.1 og 3.5 í starfsleyfi.** Rekstraraðili skal tryggja viðunandi hreinsun og nota bestu aðgengilegu tækni (BAT) sem skilgreind hefur verið við mengunarvarnir. Á athafnasvæði skal beita góðum starfsreglum og fyllsta hreinlætis gætt. Safntankur fyrir eldisvatn sem lekur ef vatnsyfirborð er hátt, safntankur fyrir fastefni frá tromlusíu sem er brotinn og með stóru gati á hlið, og brunnur sem flæðir upp úr þegar eldisker eru hreinsuð, uppfyllir ekki þær kröfur. Samkvæmt úrbótaáætlun rekstraraðila er flæði upp úr brunni ekki tengt hreinsun eldiskerja heldur þró sem notuð var til flutnings seiða. Áætlað er að taka hana úr notkun fyrir 1. febrúar nk. Áætlað er að gera við og þétta samskeyti á safntanki eldisvatns fyrir 1. febrúar nk. til að koma í veg fyrir frekari leka. Til stendur að styrkja söfnunartank nr. 1 við brotið og loka gati á tankinum fyrir 1. mars nk.
- Gr. 3.4 og 3.5 í starfsleyfi.** Við útrásir þar sem eldisvatni er veitt í viðtaka má ekki vera olía eða froða. Bæði froða og fita sáust við útrás yfirfallsrörs frá safntanki fastefnis sem er síað frá eldisvatni í tromlusíu. Samkvæmt úrbótaáætlun rekstraraðila er dæla sem dælir fastefni úr söfnunartanki nr. 1 upp í söfnunartank nr. 2 biluð. Yfirfall frá söfnunartanki nr. 1 valdi fitu og froðu við útrás. Til stendur að skipta um dælu til að lágmarka yfirfall úr söfnunartanki nr. 1 sem berst í viðtaka, áætluð verklok eru fyrir 1. mars nk.

Umhverfisstofnun fellst á úrbótaáætlun rekstraraðila en staðfesting úrbóta skal send stofnuninni eigi síðar en 4. mars nk. Aðstæður á staðnum og virkni úrbóta verða svo teknar út í næsta reglubundna eftirliti stofnunarinnar.

Verði frávikum ekki lokið eða ef áætlun um úrbætur gengur ekki eftir mun Umhverfisstofnun halda áfram með eftirfylgni þaðan sem frá var horfið.

Umhverfisstofnun bendir á að bréf þetta verður birt á heimasíðu stofnunarinnar.

Virðingarfyllst

Hulda Soffía Jónasdóttir
sérfræðingur

Helga Rut Arnarsdóttir
lögfræðingur

Afrit: Heilbrigðisnefnd Suðurlands